

DISSERTATIO INAUGURALIS MEDICA

De

OPIATORUM

NOVA EAQUE

MECHANICA OPERAN-
DI RATIONE,

Quam

RECTORE MAGNIFICENTISSIMO

SERENISSIMO PRINCIPE AC DOMINO

DN. FRIDERICO WILHELMO,

ELECTORAT. BRANDENB. HEREDE &c. &c.

In Illustri Academia Fridericiana

CONSENSU ET AUTORIT. GRATIOSISSIMÆ FAC. MEDICÆ,

SUB PRÆSIDIO

VIRI Excellentissimi atque Experientissimi

DN. FRIDERICI HOFFMANNI, D.

MED. ET PHILOS. NAT. PROF. P. MEDICI ELECTOR.

FACULT. h. t. DECANI,

*PATRONI, PRÆCEPTORIS & EVERGETÆ sui ætatem colendi,**PRO LICENTIA*Summos in Arte Medica honores & Privilegia Doctoralia
legitime obtinendi,*Ad d. Novemb. An. MDCC. loco horisq; consuetis,*
publicæ Eruditorum disquisitioni submittit

JACOBUS DESCAZALS,

Montalbanens. Gallus.

HALÆ MAGDEB. Literis Chr. Henckelii, Acad. Typogr.





DISSERTATIO INAUGURALIS

De

OPIATORUM NOVA EAQUE
MECHANICA OPERANDI RATIONE.

Præfamen.



Ullum in tota vegeta-
bilia familia reperies medicamen,
quod tam varia fata atque judicia
Medicorum sustinuerit, & quasi lapis
offensionis fuerit, quam ipsum opi-
um, utpote nonnulli tam ex veteribus
quam recentioribus illud pro puro pu-
to veneno habentes ab usu medico-

plane secludendum esse existimant, experientia inducti, quo-
niam sæpe numero soporem, torporem, stuporem, imo ipsam
mortem eo utentibus intulerit, vel ad minimum morborum
pejorem habitum induxerit. Ex adverso dantur & maxime
ex recentioribus, qui non verentur illud ceu divinum reme-
dium ac præsidium prædicare, quo non detur præstantius ac
salubrius ad componendos dolores, somnum inducendum,
vires conservandas, adeo ut quidam non erubuerint edicere,
quod de Platero & Sylvio maxime valet, qui ex altis quasi te-
nebris hoc remedii genus protraxerunt, se nolle esse Medicos,
si opium non amplius proftet. Et Sydenhamius in Ep. 1.
pag. 339. item de dysenteria pag. 209. laudat Deum omni-

pōtentem, quod illud remedium in miseriarum solamen humano generi concesserit, quo non detur salubrius, quod vel pluribus malis emendandis profit, vel eadem efficacius extirpet. Quin imo non defuerunt, qui pulchro atque eximio labore totos libros de opio in publicum emiserunt, quibus maxime omnium ab invectivis communibus vindicare, & ceututissimum ac quasi universale morborum remedium illud ipsum commendare, si prudenter adhibeatur allaborarunt. Tametsi autem hoc loco animus non sit opiatorum laudes, virtutes ac damna recensere & inquirere, non possumus tamen quin brevibus affirmemus opii in medendo usum esse maximum, & ejus quoque abusum, quod omnibus validioribus peculiare est nocentissimum, ita ut per accidens venenum evadere possit. Imo non veremur experientia atque exemplis variis persuasi edocere, abusum hujus remedii prævalere ferme vero hodierno tempore usui, siue plus damni ac detrimenti ab ejus improvido & præpostero usu experiri morbo afflictos, quam utilitatis atque emolumenti, quod tamen neutiquam imputandum nobilissimæ Medicinæ, sed potius Medicorum imprudentiæ ac ignorantia, quâ sæpius efficitur, ut nobilissimi remedii genus infametur atque prostituatur. Quemadmodum autem in foro medico variæ prostant Autorum circa opiatorum efficaciam opiniones atque dissensiones; ita circa illorum modum agendi tanta deprehenditur sententiarum diversitas, ut certe quis nesciat cujus partes sequi debeat. Quandoque autem illas accuratius perspicimus atque examinamus, certe insufficientes omnes, si verum fateri licet, nobis videntur hætenus receptæ de opiatorum & narcoticorum modo agendi hypotheses. At vero, sicuti omnem operam atque meditationem hætenus eo impendimus ac direximus, ut simplicissimo mechanico motus principio difficillimas causas morborum, perplexos remediorum effectus summa perspicuitate evolveremus atque explicaremus: ita etiam Numine adspirante in præsentia induximus, difficile hoc negotium suscipere & circumspicere, an non ex sanguinis motu anodynorum atque

que narcoticorum operationes atque effectus in corpore humano evidentissime ac simplicissime enucleari possent. Divinum autem Numen adspiret gratiam ac benedictionem hisce meditationibus clementissimam.

§. I.



Uemadmodum autem illa hypothesis, semper censetur melior aliisque præferenda, quæ fundamento habet principium intellectu facillimum, perspicuum, simplicissimum, cujus ministerio omnia phænomena, omnes effectus cujusdam rei, cui applicari debet, apte & cum connexionē deduci, explicari, salvari, ac perspicua reddi possunt, nulla ingenti difficultate, vel dubitatione remanente: ita primum omnium incumbit necessitas illis, qui aptam hypothesin, sive congruum explicandi principium invenire volunt, ut omnes effectus, cunctaque phænomena accurate & attente notata, non omissa cujusdam momenti circumstantia, in medium afferant, quo postea debita facta hujus principii applicatione, ac collatione, ejus cum effectibus, quivis aptitudinem applicationis, & rei verisimilitudinem dilucide cernere atque perspicere possit. Quocirca etiam è re nostra imò per utile arbitror esse, prius exponere notabiliores ab experientia depromptos effectus, quos Opiata variis in subjectis, pro diversa applicandi ratione, quoad dosin, tempus produxerint.

§. II.

Primum itaque evincit experientia omnia ex vegetabilium familia, quæcunque fortem & diuturnum spargunt odorem, corpori humano interne vel etiam tantum forinsecus adhibita esse hypnotica, ac somnolentiam & sensuum stuporem inducere, sique in majori quantitate & per longius tempus administrentur, soporem, capitis gravitatem, stuporem excitando, narcoticum effectum exserere. Secundo notatu dignum est, omnia suaveolentia, vaporosa ad blandum corpora som-

num disponere, quod valet maxime de floribus, v. g. rosarum, croci, lil. convall., primulæveris, sambuci, tiliæ, acaciæ, auran-
tiorum, jasmini, lil. alborum, quorum aquæ ritè destillatæ,
præsertim cum rore majali, eximia in epilepsia & affectibus spas-
modicis fulgent virtute actuosum & discursivum spirituum
tumultum sedandi. Ad eandem classem ex animalibus quo-
que referimus moschum, Zibethum, ex marinis, ambram, quæ
certè anodynos effectus debita dosi administrata, etiam in epi-
lepticis insultibus gravissimis non vice simplici præstiterunt,
exoptatissimos. Ex adverso notamus constanti experientia,
quæ gravem, virosum, fixum, & diutius remanentem exhalant
vaporem, magis esse stupefactiva quo vires, sensus, atque
mentis actiones insigni modo debilitantur, infringuntur imo
auferuntur, ex quorum censu sunt papaveris, hyoscyami, sola-
ni, mandragoræ species. Ex animalibus autem quæ graveo-
lencia sunt, uti Castoreum, rasura ungularum, cornuum, ani-
malia & insecta quasdam exsiccata, nunquam narcoticum faci-
le inducunt corpori effectum, sed tantummodo spirituum ef-
frenem motum ligando, uti vulgaris fert sententia, dolorificis
spasmis egregiè opitulantur.

§. III.

Tertio observamus nullas res anodyno vel narcotico ef-
fectu præditas esse, nisi Principio constent vaporabili, quod
prout illud fixioris vel volatilioris indolis est, & vapor citius
vel tardius dissipatur, diversas etiam operationes producit.
Unde pro falso reputandum est, quando Nitro vel vitriolo,
vis narcotica vel anodyna adscribitur, quo ipso tamen non ne-
gamus, hæc ritè, parata & applicata in dolorum ferocia demul-
cenda præstantissimæ efficaciam esse, dum biliosam in prima re-
gione acrimoniam figunt atque enervant. Ex præmissis por-
ro perspicua esse potest ratio, quare opium non coctum longe
promptius somnum inferat & dolores mulceat, quam si diu-
turna decoctione vaporabili suo principio orbatum fuerit:
item cur semina hyosc. papav., quoad oleosam suam pinguem
par-

partem minus narcotica sint, quam illorum planta, folia, flores, radices, quæ principio vaporoso, resinoso, utut difficilius exhalante, constant. Et certum porro est vapores, qui ex fixiori substantia evaporabili tamen emergunt, gravius affligere cerebrum & motum spirituum ac sanguinis sistere, & exercitium actionum animalium suspendere, quam si materia ista evaporabilis sit tenuissimæ naturæ, hinc aqua, Spiritus opii, aqua florum pap.rhad., nymphææ, longè mitiores sunt, quam illorum extracta magis fixa & resinosa.

§. IV.

Quarto experientia in praxi docuit quotidiana, opiata, decenter præparata & cum prudentia applicata debita dosi ac tempore, præsertim in personis minus plethoricis & cacochymicis, ætate juvenibus & viris, temperamento sanguineis & cholericis, ubi vires adhuc constant, & pulsus robur ac valorem naturæ indicat, securissima & exoptatissima esse remedia in gravissimis doloribus, motibus convulsivis, spasmodicis, nimis sanguinis vel feri profusionibus, vigiliis assiduis. E contrario adstruxit frequentissima, pro dolor, experientia & eventus infauitissimus, opiata imprudentem nacta Medicum multos homines interficere, vel in peiores afflictiones illos conjicere, cum primis, si non correctæ inque nimia dosi offerantur subiectis debilioribus, imbecillioribus, vel morbo maligno laborantibus, qui pulsum debilem & exilem habent, phlegmaticis, obesis, plethoricocacochymicis, alvo adstricta laborantibus.

§. V.

Maxime omnium autem notabile est, quod opiata, omniaque narcotica, intempestive adhibita circa caput ac cerebrum & functiones animales potissimum effectus exferere soleant, notabiliores, & valdè præternaturales; quid enim frequentius est, quam quod horum usum superveniat capitis dolor gravativus, somnus laboriosus terriculamentorum ac phantasmatum plenus, vertigo ut caput in sublimi servari nequeant, sensuum torpor, rubor & intumescencia faciei, inflatio venarum capitis

tis languor virium & impotentia motus? Quin imo notata etiam sunt a perititissimis Viris adhuc graviora cerebri symptomata horum usum perversum secuta, cuius generis sunt, sopor profundus, stupor, memoriæ totalis amissio. Merentur in confirmationem hujus rei, quædam fide dignissimæ adduci auctoritates, ex quibus palmam jure præfert *Willisius*, qui in *Pharmac. ration. part. 1. pag. 292.* notavit, à laudani pillula devorata, illico quosdam sopore obdormivisse, ita ut nunquam expergefieri potuerint. Vixerunt quidem per tres aut quatuor dies, quoad pulsum, respirationem & calorem satis rectè habentes, nullis interim remediis aut torturis ad sensum & vigiliam revocandi. Et porro scribit *eodem loco*: Observavi alios ab opio assumpto mediocriter tantum, imo interdum parum aut vix omnino dormivisse, quoad pulsum vero & respirationem & calorem mox deterius habuisse. Illi nimirum statim ab hoc pharmaco assumpto languescere, deinde anhelosi magis atque magis deficere solebant, nec cardiacis ullis illorum vigor instaurari potuit, quia sensim fatiscentes vitam exhalarunt. Itidem optimus *Autor lib. de anima brutorum*, de viro robusto & mediocriter sano hanc recenset historiam: vir robustus colica acerrime vexatus, levaminis ergo multum opii incautè assumpsit; mox autem conquestus est, onus ingens ventriculum aggravare, & durissime opprimere. Amici aquas cardiacas, vinum, & spiritus ardentes exhibent, sed sine levamine. Oppressio latius serpens circa præcordia languores & deliquia excitabat, usque tamen vigil ille & mente constans, tandem spiritus magis ac magis fatiscere inclamans post tres horas animam exhalavit.

§. VI.

Præterea quod cerebri, sensuum, nec non ingenii actiones opiatorum depravatus usus lædat, ex singulari obs. quæ recensetur in *Misc. N.C. Dec. I. A. 5. pag. 767.* animadvertere est: ubi refertur, quod quidam opium in magna quantitate ex errore deglutiverit, ubi primo insomnia gravia oboriebantur, cum linguæ usu impedito. Post horam superveniebat vertigo, & cir-

circumgyratio, cœpitque caput turbari. Retulit etiam postea, se cum lecto in aëre suspensum fuisse visum & quasi volitare. Obtusus animus & sui fere nescius perstitit; acetum acerrimum initio propinatum nihil acedinis habere dicebat, nec spiritum salis ammoniaci odorem habere percipiebat: pulsus erat suppressus: cum clauderet oculos, prorsus extra se positus videbatur, & propinabatur aqua apoplectica spirituosâ quâ haustâ, illico spiritus recreabantur, sentiebatque se egregiè refici. Postea sensit pruritus in toto corpore. *Stalpartius van der wile obs. XLII. pag. 181.* pulchre scribit: caveant atque observent sedulo, quotquot curæ suæ traditos infantes custodiunt, mulieres nutricesque, ne illis, quamprimum molestiâ, doloreve quodam afficiuntur, continuo somnifera propinent. Contingit enim sæpenumero, ut hæc, quamvis non occidant, infantum cerebrum nervosque tamen crebro usu debilitent, artuum tremorem, paralyfimque, uti ipsa docet experientia, nec non fatuitatem iis excitent. Scio quosdam inquit *Willisus Pharm. ration. P.1. pag. 191.* ab hoc pharmaco ingenii tarditatem & stupiditatem aliosque amentiam contraxisse. Et idem eodem loco *pag. 206.* ait: novi quendam à laudani dosi majori, cum febricitaret, assumtâ, memoriam penitus amisisse. *Tilingius de laudano opiato pag. 103.* mentionem historiæ sequentis injicit: nempe famula loco theriacæ sumsit laudanum opiatum, unde illico sensuum stupor & somnolentia per totam vitam adhæsit, memoriam amisit, nec unquam priorem valetudinem recuperavit. Et *Schneiderus de catarrho lib. IV. c.8.* me non fugit, cujusdam Regis Indiæ filium usu opii mentem memoriamque amisisse.

§. VII.

Ex hisce dictis clarissime intelligi potest, quare experientia consentiente & testante, opiata tam infesta & noxia sint capiti, quod experimur frequentissime in capitis gravioribus affectibus, nempe apoplexia, epilepsia, lethargo, paralyfi, me-

moria imminuta, vertigine, qui post opiatorum assumptionem ferme semper ingravescent, & ad majus periculum accedunt. Ita refert *Bartholinus in Act. Hafn.* ægram dolore capitis à narcoticis sedato, ab eo tempore correptam fuisse vertigine, stupore & imbecillitate capitis. In visus imminutione, auditus difficultate plane etiam horum usus exulet. Ita memorabile est, quod scribit *Waldschmidtus in Diss. de opiatorum noxa*, novi ait, mulierem, cui hæmorrhagia uteri extremum minabatur periculum, opiatorum usu in cœcitatem incidisse, nullis cedentem remediis.

§. VIII.

Postremo opiata atque narcotica etiam usum sensuum rationisq; disturbant, & amentiam atque delirium introducunt, quod etiam valet de fixioribus istis stupefactivis, solano somnifero sive baccis Belladonnæ, radice & semine hyoscyami, mandragora, lolio, quæ devorata, testantibus observantionibus, dementant & in furorem agunt homines, adeo ut dæmoniacy facti videantur. In nonnullis mirabiles convulsiones & membrorum agitationes cum furore efficiunt: Qua de re evolvi possunt *Matthias de Lobel in novis stirpium adversariis*: it. *Matthiolus in Dioscoridem pag. 756.* *Wierus de præst. dæm. lib. 7. c. 30.* *Olearius in Itin. Persico Timæus cas. p. 310.* In Mania furorem plerumque augent: quare rectè *Helmontius de Lithiasi*; errant insigniter, qui maniam opiatis compescere fatagunt, cum omne opiatum sit in se amens, quia amentia nihil præter somnium vigilans. Et lib. *Retenta*, pag. 82. id confirmat hisce: narcotica vix somnum conciliant amentibus quadrupla dosi, sed amentiam insuper augent. *Freitagius lib. de opio cap. 3.* notat ex *Prosp. Alpino ex Bellonio*, Ægyptios & Turcas vesci opio, ad comparandam alacritatem, audaciam, venerisque appetitum; addunt tamen opii devoratores, etsi ejus usu rectè valere; & minime lædi videantur, tamen frigidiores reddi, eorum functiones esse deteriores; ebrios & torpidos ferè per-

perpetuo apparere; fieri comatosos, stupidos, inconstantes; modo affirmare, modo negare; adeo, ut caveant tractare & conversari; ut etiam in dicterium, convitio non absimile, quod sibi mutuo objiciunt, abierit; tu edisti opium; non aliter, quam cum nostrates alicui temulentiam exprobrant.

§. IX.

Præterea opiata motus vitales, nempe cordis & arteriarum valde sistunt, & circulationem sanguinis debiliorem ac languidiorem reddunt: Unde fere ordinario opium pulsum, efficit imbecillem, respirationem difficilem, anxietatem circa præcordia, præsertim in iis subjectis, ubi sanguis copiosus & crassus existit. Unde jam perspicua reddi potest ratio, quare imbecilliora subjecta, in quibus valde vires sunt prostratæ, & qui malignis morbis detinentur, ex facili ab opiatis assumtis trucidentur, dum totalis virium dejectio, syncope, & postea ipsa mors succedit, unde lethales opii eventus passim animadvertere licet in observationibus. Ita febre ardente, referente, B. Frid. Hoffmanno in M.M. pag. 370. laborans Phycus Halensis ad vigilias continuas sistendas laudani grana aliquot, sumsit, & sic æternam sibi acceleravit quietem. Sic *Sanctorius Methodo vitandi errores lib. 8. c. XII.* scribit: se vidisse in finitimæ Hungariæ locis militem, qui septem opii pillulas deglutiverat, confestim cum impetu spiritum trabebat, ut paulo post deficeret, & è vivis discederet. Commemorat quoque *Forestus l. 9. obs. 14.* de cacochymico, cui imperitus medicus in dolore calculi stupefaciens exhibuit opium, quo, deglutito nec amplius evigilavit æger, atque ita, quem dormire voluit, excitare postea non potuit. Conferantur hanc in rem exempla quæ extant apud Willisium cit. loco pag. 392. Sennertum prax. l. 6. p. 7. c. 1. Illud tandem mirabile est, quod opium ano immisum per suppositoria vel clysteres multis mortem conciliaverit. vid. plura exempla *collecta in Tilingio de opio p. 48. it. in Sennerto lib. 6. prax. parte 7. c. 1. Nec non Marcello Donato de historiis medicis mirabilibus lib. 4. c. 18.* quod meâ sententia ex eo accedit

dum sphacelum, sistendo & cohibendo sanguinis motum istis partibus introducit.

§. X.

Ultimo loco non possumus etiam, quin mentionem faciamus de usu opii aphrodisiaco, & alacritatem & crudelitatem conciliante, quod valet maxime de Turcis & Indis, qui ex purissima opii lacryma per fermentationem suam maslach faciunt, potum valde inebriantem & dementantem, quo sibi animositatem praelium inituri conciliant, & ad actus quoque veneres se armant. Confirmat id ipsum relatio *Job. Jac. Saar. Itiner. Ind. Orient. p. 11.* qui expressis verbis scribit, parare Indos in Bandam electuarium ex opio, quod Affion. vocant, coloris cineritii, saporis dulco-amari, cujus usu feroces fiant; Chineses vero in Batavia eo uti ad excitandam venerem, cujus usu adeo veneris æstro incitantur, ut per totam noctem veneri litent, sæpe an fugientibus, nec alteriorem vim sustinentibus scortis. Vid. de hoc latius *B. D. D. Sachs, Tom. II. Ephem. Germ. obs. 69. p. 126.* ubi & alii citantur. Et *Cl. Wedelius de Opio pag. 129.* scribit: experientiâ sæpius deprehendimus, ab assumpto opio in calidioribus, præcipue vero dispositis, ortas fuisse pollutiones nocturnas cum tentigine, cujus rei plura exempla possemus in medium afferre, nisi nomina ægrorum propalare religioni nobis duceremus. Hinc si cum ambratis maritetur, sive in substantia, sive in essentia, aphrodisiacum confurgit non contemnendum.

§. XI.

Tandem etiam de correctivis opii aliquid dicendum est. Nam certe sicuti opio crudo raro fidendum, ita si recte præparatum & correctum fuerit, remedium præbet magnæ efficacæ. Egregia sunt verba Galeni, qui autem valde timidus fuit, in adhibendo opio, quæ extant *lib. de theriaca ad Pisonem c. 13.* Quod opium per se potum exitiale sit, neminem latere existimo; si autem cum aliis nonnullis sit præparatum, ægrotis ita subinde juvat, ut maxime salutiferum ipsis medicamentum esse videatur.

tur. Nostra autem sententia non dantur meliora opiatorum correctiva, quæ potentiam ejus cerebro, nervis ac motui cordis inimicam, infringunt, temperant, & amicam ac blandam reddunt, atque motum in fibras corporum motrices introducunt. Nam cum opium, uti ex effectibus videmus, omnes motus spirituum & sanguinis sistere soleat, hic è re utique est, talia opio admiscere, quæ motus faciunt ac promovent. Hinc ex duobus hisce contrariis & repugnantibus invicem mixtis, neutrum quiddam & tertium exoptatissimum exsurgit, quod aperitiva & simul etiam sedativa virtute pollet. Cum autem illa, quæ motum vehementiorem inducunt corpori nostro, omnium consensione sint maxime sudorifera, purgantia, spirituosa aromatica, nec non salino-diuretica, hinc etiam commodissime cum ipsis miscetur, qua mixtione medicamenta stupendæ & mirabilis virtutis & velut polychresta & universalia exsurgunt, & talis virtutis est theriaca Andromachi, à multis retro sæculis probatissima: it. Diascordium Frac. theriaca Cœl. requies Nicolai, theriaca de citro, quæ tutissima & summe efficacia in multis morbis, doloribus, fluxionibus, spasmodicis præsidia sunt. Deinceps cum purgantibus & quidem vel extracto aloes, uti fit in pill. *Wildegansii*, velut & extr. Hellebori & pulvere Hellebori albi mixtum sicuti in decantissima pillularum *Starckii* vel *Matthiæ* massa contingit, magnæ famæ remedium exsurgit, quod uti testatur Dn. Præses, præsertim quod posterius attinet, alvum apertam servat, sudorem efficaciter movet, & nunquam facile torporem, insomnia turbulenta, vertiginem, capitis torporem gravativum, sicuti sibi relicta opiata efficiunt, post se relinquit. Denique cum tinctura antimonii tartarifata vel acri ex regulo parata, valde diuretica opium percommode ac artificiose miscetur, sicque securissima exinde provenit Medicina. Tandem etiam spirituosa, caryophylli, cinnamomum, ejusque olea, it. vinum Malvaticum, Hispanicum egregie opiatorum noxam debellant, illudque convertunt in optatissimum præsidium. Quæ de causa merito collaudari debet

Sydenhamii laudanum liquidum, quod experientia certissima docente, tutissime in morbis, ubi sedatione opus est, offertur. Dn. Præses maximopere etiam commendat spiritum per destillationem ex opio paratum, qui talis est:

Rec. Vini Hisp. mens. unam.
 Opii optimi unciam semis
 Flor. papav. rhœad.
 Sambuci ana pug. iii.
 Croci dragmam unam
 Nucistæ
 Caryoph.
 Cinnam.
 Cardamom. ana dragmas duas.

Misceantur & ex arte destillentur, spiritus exsurgit gratissimus sapore & odore & virtute certe commendatissimus, qui summum nervinum antispasmodicum & sedativum est remedium. Dosis est cochleare unum.

§. XII.

Perlustratis itaque præcipuis opiatorum in corpore humano effectibus, venio jam ad indagandam rationem ac modum agendi narcoticorum & in specie opii. Placet autem in antecessum allegare ac recensere præcipuas & præstantissimas Medicis adhuc receptas hac de re sententias. Quantum attinet veteres, hi ipsi ex occulta quadam venenata qualitate frigefaciente, & calidum innatum extinguente operari unanimiter dixerunt. Ex recentioribus autem *Willisius P. 2. pathol. c. 3.* asserit, pharmaca hæc quoddam veneni genus esse, spiritus animales afflatu suo pessundans & quasi exstinguens, sanguine interim & partibus solidis plane illæsis. Et *pharm. rat. sect. 7. c. 1.* scribit ab opiatis spiritus affici & venenari, ut à medicamento velut afflatu, tanquam vinculis constricti illico succidant & pensa sua dimittant. Doctissimus *Ettmüllerus* in *disp. de Virtute Opii diaph. c. 501.* Opiata ligare spiritus affirmat, & illis

illis in casibus, ubi spiritus animales, tanquam equi furiosi decurrunt, aut extra orbitam coguntur, ab opiatis coërceri & reduci. *Celeberr. Wedelius in tract. de opio*, condensatione spirituum & pororum cerebri occlusionem eorum agendi operationem explicat, dum ait: modus agendi opii consistit in *ἀναστυπιάσει* ejusmodi, quæ porulos cerebri à vigiliis nimis apertos & dilatatos obstruit, ac spirituum animalium effrenem influxum impedit, eosdem quasi coagulat & condensat, adeoque suavissimam corpori conciliat quietem. Neque negamus, inquit, *l. c. pag. 40.* nervos stomachicos statim in se recipere vaporosum illud, præsertim cum opium sulphur habeat maxime resolubile in aceto, aqua & spirituosus. *Cl. Gladbachius Prax. Med. idea nova* dicit, opium præstare suam efficaciam sale suo volatili, oleoque crasso, quod resolutum in ventriculo & sanguine expansum ramulis suis spiritus à fermentatione resolutos involvunt, quo minus sanguis in se invicem insurgere & effervesce possit. Hinc spiritus in sanguine exultantes supprimuntur crassiores, & pauciores in cerebrum deponuntur, qui nervos obstruendo impediunt, quo minus veloci cursu in corpus ruere possint. Hoc dum fit, segnius è corde propellitur sanguis, pulsus tardior evadit & circulatio impeditur. Ex Cartesiana schola prodeuntes hanc de obscuro hoc negotio sovent sententiam, dicentes, quod valde peregrino suo, quem in sanguinem & humores introducunt ætherem eosdem quodammodo coagulare & in motu suo sistere valeant, non obstante ipsorum sale volatili & subtili oleo, quæ alias motum in sanguine majorem causari potius videntur; hinc cum non tantus amplius sanguinis in partes obstructas fiat motus, quantus antea, ideo dolor nonnihil mitigari debet; & probabile est, scribunt, quod sal volatile ipsorum valde subtile, sed tamen satis acre, fibrillas aliquas partium ab invicem nonnihil resolvere valeat, ita ut flaccidiores reddantur, quæ proinde motum non tam vegetum ad sensorium transferre possunt commune quam ante: Huic sententiæ assensum quoque præbet *Cl. Cranius*, qui in *tract. de homine pag. 440.*

tra-

tradit spirituosas & volatiles opii partes, non secus ac Sp. urinæ spiritum vini rectificatū sanguinem coagulare, unde postea sopor oriatur, dolorem autem sistant ob id, quoniam sale volatili suo acri fibrillæ nervorum solvuntur, quatenfionem amittentes, actionem objectorum non possint deferre ad sensorium. Postremo dantur nonnulli qui opii sulphur acidum variis experimentis adstruunt, & maxime ex eo quoniam opium crudum affuso oleo tartari per deliquium ebullitionem excitat. Hinc acido isto sanguinem coagulari & figi spiritus existimant.

§. XIV.

Quandocunque autem præmissæ omnes circa opiatorum rationem agendi opiniones paulo considerentur exquisitius, nemo non facili negotio perspiciet, illas non probe quadrare & respondere effectibus antea memoratis solvendis atque explicandis. Et primum quantum spectat ad veteres illosque, qui opium pro veneno habent, nativum calorem, seu sulphur & spiritum sanguinis frigore suo extinguente, per paucis dicimus opium etiam ipso *Hippocinte* fatente *Θέρεον* esse, & sulphure calido inflammabili constare, imo & forinsecus ad motum tumoribus, illos emollire atque resolvere, quod calidis proprium est. Multo minus autem fautores hujus sententiæ aptam rationem afferre poterunt, in quonam consistat venenata illa, qualitas, spiritus vitales extinguens. Et nescio quomodo se expedire valeant, si quis ipsis proposuerit theriacam *Andromachi*, cœlestem, mithridatium, diascordium Fracastorii, quorum basis opium est, à multis seculis habita fuisse pro alexipharmacis præsentissimis, & magnæ famæ remediis. Quin imo splendidissima & decantatissima in foro medico remedia, quæ panacearum nomine insignita fuerunt, & adhuc laudem & famam suam in medendo sustinent, maxima ex parte in compositione sua recipiunt opium; sicuti id videre licet in pillulis *Wildegansianis*, quæ panacæ solaris nomine venditantur, & Anglicis Starckianis aliisque. Accedit & illud quod opium sit aphrodisiacum præsentissimum, & seminis turgescentiam & membri infla-

inflationem efficiens, imo Orientalibus populis alacritatem & animositatē in præliis conciliet, quod prius etiam in aliis personis si modeste adhibeatur, notavimus. Tali in casu autem spirituum majori excitatione, tantum abest, extinctione opus est. Et tametsi observationes doceant, ab opio sumto quosdam esse mortuos, vel in gravissima pathemata incidisse; Hoc autem nihil probat, & infert aliud, quam esse corpus summe activum, & magna agendi potentia instructum. Et sicuti omnia validiora remedia, quemadmodum id certum est de oleis æthereis, sudoriferis, emeticis, purgantibus, mercurialibus, quando iis abutimur, noxam imo mortem inducere possunt; qua ratione venena tamen neutiquam dicenda sunt: ita etiam hoc ipsum valet circa opium.

§. XV.

Quicunque existimant opium spiritus & sanguinem coagulandi & figendi efficacia gaudere, potissimum propter sulphur, quod in ipso est, indolis acidæ, & hi ipsi mea sententia falluntur. Et quamvis lubenter admittamus, opium crude ad mixturam alcalinorum congregi, & mutationem in odore ac textura acquirere, propter acidum resinosis gummeis vegetabilium ferme omnibus extractis familiare, attamen neutiquam exinde colligere possumus, acidum hoc spiritus & multo minus sanguinem figere & coagulare posse. Utpote comperit chimia est, omnes resinas, gummata resinosa & ligna acidū saporem saltem custodire, qui tamen minime vim reddit narcoticam, sique ab acido opiatorum effectus proficiscatur, certe oleum vitrioli acidissimum, spiritus aceti concentratus, nitri, similes, inque majori gradu deberent exferere effectus, quod tamen minus accidit. Deinceps, quis in aqua papaveris rheados, opii, croco, semine papaveris, hyosciami, acidi vestigium reperire vel ostendere conabitur? Addimus & hoc, quod opium tinctura tartari resolutum in liquorem, acido sic demto, nihilo fecius vim suam soporiferam retineat. Et posito acidum opii sulphur esse peculiaris naturæ figentis, quæ aliis acidis sit negata: neutiquam tamen vel concipere quis potest,

quomodo totam sanguinis massam vel spiritus ceu fluidum mobilissimum, in motu suo sistere vel coagulare queat: neque plane huc quadrat experimentum dum miscetur spiritus urinæ rectificatus cum spiritu vini rectificatissimo, utpote hæc ipsa non tam coagulatio, quam potius præcipitatio est salis volatilis in poris phlegmatis contenti à spiritu vini rectificatissimo phlegma imbibente. Porro & intelligere nemo potest, quod opiata dolorem sopiant, quoniam acredine summa, salina volatili, fibræ nervorum solvuntur, ut tensionem debitumque sensum amittant. Tanti enim non sunt illa spicula, siquæ dantur in opio, ut dissolvere texturam nervorum vel membranarum debeant, ita dolores magis augerent, & salia volatilia, omniaque acria, uti sunt piperata, cantharides ex eodem fundamento dolorum faces accenderent, quod tamen minime accidit. Tandem quicquid de æthere peregrino affertur, illud, quoniam non definiri potest, & sensibus & rationi quoque peregrinum est. Qui opii virtutem diaphoreticam & dolorem sistentem ex sale volatili oleoso, quatenus acidum, tanquam principium dolorum materiale absorbeant, derivant, *sicuti* Bontekoe in suis scriptis tradit, solido quoque destituuntur fundamento. Pauxillum enim est salis volatilis, oleosi quod in opio, mandragora, solano, papavere continetur & arte elicitur; deinceps quæstio merito moveri potest, cursalia volatilia oleosa majori doli data non eundem effectum præstent? Hac autem de re fusius egit *Dn. Præses* in diff. de acido & viscido pag. 52.

§. XVI.

Prudentiorum sententia est, quod opium vapore suo tenuissimo sulphureo ramosæ naturæ immediate agat in spiritus, & poros cerebri ac nervorum, illos obfuscando & obnubilando, hos autem obstruendo & occludendo. Unde factò impeditiori spirituum in partes musculosas & ipsum cor influxu, ipsa sensoria tensione sua, quæ ad sensum requiritur, priventur, sanguinis & humorum circulus tardior evadat, omnesque secreções & excretiones lentiores ac segniores. Ta-
met si

met si hæc omnia eximia sint, merito tamen dubito, an cum re ipsa & effectibus opiatorum hæc convenient ac respondeant. Primo enim difficulter concipi potest, quo pacto opii ventriculi actione soluti vapores tenuissimi in sanguinem transeuntes separentur rursus à sanguine in cerebro, & quomodo illi ipsi angustissimos ductus medullares & nervorum obstruere possint, cum vaporosum non ingrediatur peculiare ductus, multo minus autem obstruat, vel tenuissimæ elasticæ spirituum animalium lymphæ obicem in motu ac transitu ponat. Posito autem, auram opii vaporosam per poros arteriarum cerebri exhalare, illa ingressum in corpora striata & fundum cerebri, quo nervi oriri solent, ægre inveniet, & si forsan etiam has partes occupet, facilius tamen per horum poros rursus dissipari poterit. Unde non intelligo, quomodo explicari possit, quare opiata aliaq; stupefacientia, diutius sæpe perseverantem torporem, capitis gravitatem, stuporem, vertiginem, capitis inflationem, memoriæ amissionem post se relinquunt. Postea etiam quæstio moveri poterit, quare alia suaveolentia & penetrantissimi ac copiosi odoris corpora similes stupefactivos effectus uti hyoscyamus, solanum, non efficiant, cum hæc ipsa minus vaporosa esse soleant. Neque etiam commode explicari poterit cur opium in certis personis aphrodisiacum sit, imo quandoque vigilias cum furore in nonnullis relinquat, & phantasiam ac rationem perturbet, si pori cerebri à vaporibus occlusi & spiritus ab ipsis fuerint condensati, non potest non debitus illorum influxus in partes impeditior fieri, quod tamen non contingere potest in vigiliis, in furore, ubi consensu omnium Medicorum pori sunt aperti & spiritus cum impetu ac actuositate discurrunt. Quod autem vapores etiam graviter olentes sulphurei vim non habeant spiritus extinguendi, vel illorum motum sistendi, vel ex eo apparet, quod ungulæ plumæque accensæ hystericas & syncope oppressas vulgari & certissimo experimento excitare & motum potius spirituum restituere valeant. Aliquoties vidit Dn. Præses in febribus ardentibus & inflammatoriis opium etiam exilissima dosi exhibitum ægrotantibus, conciliasse capitis perturbationem ac leve delirium cum subsequente longa hæmorrhagia, qua ipsum postea delirium

fuit solutum Difficillime autem hujus ipsius phænomeni causa deduci ac derivari poterit ex hypothefi hac, quæ nititur vaporibus atque effluviis. At fi hoc ipsum delirium, amentia & ftupor cerebri à vaporibus in cerebro ftagnantibus proficifcerentur, certe fudorifera & fpiritus animales reficientia promptiffime hos effectus tollerent, quod tamen minime accidit.

§. XVII.

In tam arduo & difficili itaque negotio quid nobis vero fimile videatur pauciffimis ex fententia Dn. Præfidis depromere volumus. Primum itaque non negamus principium quo opiata aliaque narcotica agunt effe fuphur refolubile & evaporabile, hoc eft, quod debito humido ac calido accedente in tenuiffimos vapores & effluvia diffolvitur. Sulphura autem commode ad tres claffes reduci poffunt: Alia enim funt pingua & unctuofo, craffa terra & copiofo humido referta, qualia funt omnia olea expreffa, pinguedines, axungia, quæ ægre refolvuntur in vapores: alia Sulphura tenui quidem terra falinaq; conftant, fed particulis acidis ligata, uti funt omnia refinofa, quæ tamen, fi liberentur ab involucro fuo ac nexu, quo intricata jacent, nimis subtilia & ætherea funt, uti funt omnia olea deftillata. Alia fuphura funt temperata ex humido, fale, terra subtili ætherea plus minus fixiori; & talia omnia vaporem quodammodo craffum & diu durantem exhalant, & fveolentia ac graveolentia funt. Corpora itaque quæ tali fuphure temperato conftant, & non tam fpirituofis menftruis, fed & aqueis obtemperant, virtute anodyna & ftupefactiva pollent. Idcirco quando cunque in corpus affumuntur, ftatim in ventriculo ac inteftinis per motum quendam fermentativum ac rarefactivum refolvuntur, concurrente fimul calore blando, menftruo falivali & ipfo aëris fluido: particula autem folutæ fuphureæ tenuiffimæ partim per fubftantiam porofam fanguini, tubulis membranaceis ac nerveis imediate communicantur, partim etiam cum ipfo chylo & lymphâ via regia tranfeunt ad fanguinem, quando autem fanguis tenuiffimo vaporoso principio imbutus accedit ad pulmonum vifcus, fit ibi iuftius major expansio, tenuitas, elasticitas propter partes aëreas elasticas, mediante infpiratione communicatas: Unde neceffario fanguis

guis expanditur & majus spatium acquirit. Nimium autem sanguis inflatus, rarefactus, turgescens quandocunque accedit ad corticem cerebri & tenuissimos tubulos arteriosos piam matrem investientes, accidit, ut tubuli isti qui uti cognitum ex anatomicis, delicatissimis ac tenuissimis gaudent tunicis à sanguine valde rarefacto supra modum distendantur, expandantur, sicque systolen & contractionem efficiant debiliorem & tardio-rem, unde non potest non circulus sanguinis per caput & cerebrum fieri lentior & impeditior, cum in sanguinis reductione per venas, arteriarum systole, & sic sequente impulsu semper opus sit.

§. XVIII.

Ab impeditiore autem reditu sanguinis per venas capitis & arteriarum distensione ac ibi stagnante sanguine, cuncta phaenomena atque effectus, qui sequuntur opiatorum exhibitionem, commodissime deduci ac explicari possunt. Primo enim, dum sanguis sic impeditius per venas circulatur, particulæ aquosæ tenues facile per poros secedunt, & blandum ac profundum somnum iniiciunt, sique in majori copia fiat hujus feri extravasatio, dolor capitis gravativus, torpor, memoriae amissio, amentia excitari poterit. Quando autem sanguis nimis crassus stagnat, vel acredine & intestino vehementi calido motu agitur, tum varia phantasmata, insomnia turbulenta, terroris plena, imo furores, vigilias adducere potest. Sicuti nuper latius deductum est in Disp. de Mentis morbis ex circulatione sanguinis impedita, habita ab Dn. Præsidente. Exinde etiam perspicua fit ratio, quare post opiata turgeant & inflata sint capitis vasa, facies rubicunda evadat, hæmorrhagiæ narium quandoque subsequantur. Quando autem sanguis sic tardius volvitur per cerebrum, spiritus animales pauciores secedunt & generantur, quod dum evenit, debita tensio ac tonus nervorum, qui fit a spiritum debito influxu, & ad omnem sensationem summe necessarius est, in partibus perit, unde indolentia, originem suam trahit: & hinc quoque fluit ratio, quare spasmi totius corporis, qui ab impetuoso spiritum influxu dependent, remittant, & cum spasmi nimii excretiones sudoris & uri-

nae item alvi, ordinario impedire soleant, accidit, quod post usum anodynorum sudor antea à tali causa suppressus alvus etiā & urina liberius fluant, & in ordinem redigantur. Et cum à nimio quoque spiritum influxu excretiones sanguinis, it. alvi, ortum suum habeant; ideo opium sistere & sanguinis nimias & alvi profusiones solet, dum spirituum influxum retardat & imminuit, quoniam sanguinis debitus affluxus & refluxus in capite intercipitur. Et ex hoc fundamento liquet ratio, quare pulsus post opiatorum usum fiat imbecillior debilior & tardior, cum omnium Anatomicorum consensu cordis motio à spirituum animalium influxu sustentetur. Tandem ex eo intelligitur, quare in defectu virium in motu humorum imminuto, febribus malignis, it. in omnibus capitis affectibus, apoplexia, vertigine, paralyfi, sensuum debilitate, deliriis, memoriae amissione, qui omnes ab impedito circulo sanguinis per caput, proficiscuntur, praesentissimum damnum ac noxam inferant, & dictos morbos periculosiores reddant, quod valet etiam de omnibus debilitatis personis, obesis, phlegmaticis, & ubicunque vires ac spiritus deficiunt, ubi unica improvida opiatorum dosis mortem causari potest. Affectus aphrodisiacus, quem opium in nonnullis exserere solet, ex eadem hypothese prompte fuit, quando nempe sanguis in toto corpore rarefactus, & impeditus circumvolutus expandit musculos penis, ipsum membrum erigitur, cum non tantum à spiritum influxu, sed sanguinis majori appulsu & quadam remora membri erectio fiat.

§. XIX.

Tandem nihil efficacius ab opiatis inducta symptomata, aufert, & illorum noxam allatam corrigit, quam acidorum usus, etiam jam notante ipso Plinio, Matthiolo, quoniam nempe acida praesertim volatilia acutis suis spiculis motum fibrarum inferunt, partim etiam nimiam rarefactionem sanguinis sistunt, & vaporum sulphureorum evolutionem impediunt. Purgantia quoque omniaque quae in corporibus motum efficiunt opiatorum noxam debellant & morantur, quoniam his ipsis fibrarum ad motum incitatis sanguinis stagnatio in capite minor fieri solet, unde

unde etiam symptomata illa pessima neutiq̃am expectanda sunt. Postremo ad hujus sententiæ confirmationem multum contribuit historia curiosa, quæ extat in Lentilii Misc. Med. practicis p. 223. ubi refertur, usum seminis cannabini subsecutam fuisse dimidia hora tantam cranii expansionem, ut chirurgus extravasatum sanguinem in vulnere perfissuras cranii eximere potuerit, quod prius non fuit factum. Quod autem semen cannabis habeat virtutem narcoticam vid. Sim. Pauli in Q. B. p. 232. Imo datura à multis rerum indicarum scriptoribus pro specie cannabis habetur, vid. Itiner. Olearii Orientale l. 1. c. 10. Unde eleganter concludit Lentilius à fumis opii cerebri substantiam turgescere, & majorem molem ac spatium in dimensionibus acquirere, vid. Lentil. l. c. Præterea evidentissime actionem narcoticorum versari in sanguinis motu per cerebri vasa impedito ostendit dissectio cadaverum à talismodi remedii demortuorum. Ita Joach. Curæus lib. 2. de sensu c. 17. p. 229. Nec non Lev. Lemnius de Occ. Nat. Mir. l. 2. c. 52. referunt in cerebri ventriculis sanguinem instar glaciei coactum & congelatum fuisse inventum.

§. XX.

Postremo à sanguinis & humorum rarefactione atque expansione anodynorum effectus commode accersi posse, vel ex eo comprobatur, quod ea ipsa, quæ in sanguine & humoribus expansivum & rarefactum motum efficiunt, somnum inducendi potentia eximia quoque polleant. Ita à spiritu vini immoderate assumpto, non somnus solum profundissimus, sed & stupor maximus sequitur. Et multoties observavit Platerus lib. 1. obs. p. 17. hos qui spiritum vini, seu aquam vitæ communiter dictam, immoderate sumserant, primum summopere accendi, postea attonitos stupere ac si opium bibissent, & stertere ad mortem usque. Ambram, Moschum, crocū, camphoram nucistam sanguinem rarefacere expandere, attenuare, & simul tamen effectus anodynos præstare res in propatulo est. Capituluvia, pediluvia, balnea ad somnum blandum disponere, in foro Medico notissimum, quod tamen non alia ratione fit, quam quod expansionem ipsis humoribus inducant, unde etiam habitum corporis turgidulum atq; inflatum reddunt, sicq; lentius succedit

cedit sanguinis motus per caput, & placidus subsequitur somnus. Vaporosa & odorifera, quæ ex floribus exhalant, somnum quoque inferre idonea sunt; sic de caro ab odoriferis nimis producto vid. Strabo Geogr. l. 65. p. 535. Quandoquidem vapores sulphurei, insigni elasticitate gaudentes per poros suscepti in sanguinem, ipsum dilatant, expandunt, & dictos effectus producant. Experientia etiam ostendit ab exhalatione ardentium prunarum propter illud sulphur sylvestre expansum multos fuisse stupore & morte correptos eandem ob rationem. De his exempla passim occurrunt apud Autores. Quod autem in somno humores expandantur & simul totius corporis habitus, manifestissime apparet in dormientibus, ubi inflatio totius corporis & capitis perspicitur, & advertimus in illis qui somno detinentur, tibialia, calceamenta, vestes fieri arctiores. Et sequitur etiam hinc ratio, quare tempestate austrina, æstiva, calida & humida existente, it. in hypocaustis calidis, quæ cuncta manifesto sanguini rarefactionem inferunt, somnus plus obrepat, quam si tempestas fuerit borealis, frigida, serena, sicca, quoniam sub hac ipsa fibræ corporis sunt strictiores, humores condensati, & sanguinis promptior circulatio. Denique ex præmissis hisce ratio perspicua est, quare somno profundo oppressi excitari possint quam optime aqua frigida, vel melius aceto applicato regioni hepatis, genitalibus, dorso, it. cur acida, succus citri, acetum externe vel interne adhibita, commodè somnum & ebrietatem arceant. Tandem illud monere necessarium ducimus, expansionem istam sanguinis & humorum, quæ ad somnum inducendum & indolentiam inferendam requiritur, multum variare, & non unius ejusdemque indolis esse, prout nempe causæ illam excitantes differunt, ita profecto multum interest, à quibus remediis virtus anodyna & soporifera inducatur, ita si à suaveolentibus & talismodi corporibus, quæ sulphur alunt naturæ blandum, spiritibus amicis proficiscitur, non tam periculosa metuenda symptomata ac damna sunt. Quod si autem à vapore sulphureo, foetido, peregrino, naturæ & spiritibus infenso suscitatur, tunc certo majora nocumenta subsequuntur: Nam certum illud est, spiritus qui rectores & moderatores corporis nostri sunt, qui rationi & mentis functionibus serviunt, à subtilissimo sanguinis vapore & tenuissima aëris elastica portione ortum suum trahere; hinc ex facili intelligitur, & spiritus nostros varie ab anodynis & narcoticis affici, demutari, adeo ut etiam opiata & narcotica non tantum in sanguinem verum etiam in spiritus immediate operationes suas exerant.

Ex quibus jam allatis liquido constare arbitror, cautissime offerenda esse opiata, in illis affectibus, ubi manifesta spirituum debilitas, virium defectus & motus sanguinis, præsertim in capite imminutus est, unde in capitis morbis deliriis, in omni generis febribus, præcipue inflammatoriis, plane hic dicta remedia exsulent vel cantione & prudentia cum administranda sunt. Sed hæc jam pro instituto nostro

sufficiant; gratias Deo T. O. M. agentes immortales pro præstito nobis auxilio.

F I N I S.

